

الجواب السادس / نبيله

٢٧ سؤال من عام ١٤٠٢هـ

الأثنين الموافق ١٦ أغسطس لعام ١٩٨٢ م

إلى حبيبي مسعد

العامل في بلاد الثلج

في بلاد الواه

إلى الشاب الحليوه

حافظ هواه

ثم أما بعد،،،

يا مسعد جوابك اللي فات خوفني عليك

أبوس قلبك يا مسعد وأبوس إيديك

تبتعد عن المشاكل
وكفينا الغربه والشوق إليك
هو صحيح أنا فرحت بنصرتك
وأتبسط إن سواعدك ساعدتك
بس برضوا يا مسعد
إبتعد عن المشاكل ومتقلقنيش تاني
بزيداك الشقه والتعب م الشغل
وأنا بُعدك بزيداني
واسمع كلامي وبلاش نشوفية دماغك
علشان عارفاك راسك ناشفه زاي الدومه
والواد مش هيسكت ولا ينسى
ربنا بيعده من قُدامك الملكوم ابن الملكومه
وربنا ديماً يحميك لينا
من شر الدنيا وما فيها
والحاجه اللي سافرت عشانها

ترجع بيها

تسلم يا مسعد لشبابك

يحفظك المولى من عيني

ومن عين حُسادك وأصحابك

أبقى أبعث طمّني عليك

وأحكلي أحوالك بالتفصيل

وبلاش كلمه وكلمه وتسكت

من أمته يا مسعد وأنت بخيل

وأبعثلي قصيده الشعر إياها

اللي أنت قولتلي عليها

أنا بستتاك وأستناها

وأدم شيء عجبك

يبقى الشيء ده أكيد ولا بد جميل

من بلاد الأنتظار

بشوق ولهفه

كنت فاهمه وكنت حاسه

وكنت عارفه

إن نار البعد تكوي مرتين

وإن في غيابك

هتبقى النار نارين

وسلام ختام

وأبقى طمني عليك ونام كويس

